



ՀԱՅԱՍՏԱՆԻ ՏԱՐԱԾՔԱՅԻՆ ԶԱՐԳԱՑՄԱՆ ՀԻՄՆԱԴՐԱՄ
ARMENIAN TERRITORIAL DEVELOPMENT FUND

«16» սեպտեմբերի 2024թ.

ՈՐՈՇՈՒՄ

«ԷՍԷՍԹԻ» ՍՊԸ-ԻՆ ԳՆՈՒՄՆԵՐԻ ԳՈՐԾԸՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ԸՆԴԳՐԿԵԼՈՒ ՄԱՍԻՆ

Հայաստանի տարածքային զարգացման հիմնադրամի (այսուհետ՝ նաև ՀՏԶՀ) կողմից «Օդորակիչների» ձեռքբերման նպատակով կազմակերպված ՊԾԷԱ-ԱՊԶԲ-2024/6 ծածկագրով էլեկտրոնային աճուրդի ձևով գնման ընթացակարգին (այսուհետ՝ նաև Ընթացակարգ) մասնակցության հայտ է ներկայացրել «ԷՍԷՍԹԻ» ՍՊԸ-ն (այսուհետ՝ նաև Ընկերություն կամ Մասնակից):

Ընթացակարգի հրավերի 4.3-րդ կետով սահմանված է եղել նաև ապրանքի նկարագրի ներկայացման պահանջ, որին անհամապատասխանության հայտնաբերմամբ պայմանավորված՝ Մասնակցին ուղարկվել է ծանուցում, որով նկարագրվել է անհամապատասխանությունները և առաջարկվել է շտկել դրանք, մասնավորապես՝

- Առաջարկվող ապրանքի ամբողջական նկարագրում հստակ սահմանված չեն ապրանքային նշանը, ֆիրմային անվանումը, մակնիշը, արտադրողի անվանումը, ֆիրմային անվանումը,

- Տեխնիկական բնութագրում նշված չէ «Միավորի գնի մեջ ներառված է վաճառողի կողմից օդորակչի տեղադրման արժեքը» նախադասությունը:

Սահմանված ժամկետում Մասնակցի կողմից չեն շտկվել ծանուցմամբ նշված անհամապատասխանությունները:

Հայաստանի Հանրապետության կառավարության 2017 թվականի մայիսի 04-ի N 526-Ն որոշման 1-ին կետի 1-ին ենթակետով հաստատվել է գնումների գործընթացի կազմակերպման կարգը, որի 41-րդ և 42-րդ կետերի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում

	մասնակցի	հայտում	արձանագրվում	են
--	----------	---------	--------------	----

անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ գրադեցրած մասնակիցը:

Վերոգրյալ իրավանորմերից հետևում է, որ այն դեպքում, երբ գնման ընթացակազմով ներկայացված հայտում գնահատող հանձնաժողովը նկատում է անհամապատասխանություններ՝ հրավերի պահանջներին, ապա կասեցնում է նիստը և ծանուցմամբ առաջարկում է համապատասխան մասնակցին՝ շտկելու անհամապատասխանությունները, որից հետո այն դեպքում, երբ անհամապատասխանությունները չեն շտկվում, ապա հայտը գնահատվում է անբավարար և մերժվում է:

Սույն դեպքում, Ընկերության կողմից ներկայացված հայտի գնահատման ընթացքում գնահատող հանձնաժողովի (այսուհետ՝ նաև Հանձնաժողով) կողմից արձանագրվել են մի շարք անհամապատասխանություններ, ինչի արդյունքում Հանձնաժողովը, ղեկավարվելով Հայաստանի Հանրապետության կառավարության 2017 թվականի մայիսի 04-ի N 526-Ն որոշման 1-ին կետով հաստատված կարգի (այսուհետ՝ նաև Կարգ) 41-րդ կետով, որոշել է մեկ աշխատանքային օրով կասեցնել նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցել է մասնակցին՝ առաջարկելով մինչև կասեցման ժամկետի



Տվյալ դեպքում, Ընկերությունը հայտ է ներկայացրել՝ մասնագրված ՊԾԸԱ-ԱՊՁԲ-2024/6 ծածկագրով գնման ընթացակարգին, որպիսի հայտում առկա են եղել անհամապատասխանություններ՝ հրավերի պահանջներին, ինչի մասին վերջինս պատշաճ ծանուցվել է, սակայն չի շտկել արձանագրված անհամապատասխանությունները, որի հետևանքով վերջինիս հայտը գնահատվել է անբավարար և մերժվել է, այսինքն՝ վերջնանշված գործողությունները հանգեցրել են գնման գործընթացին Ընկերության հետագա մասնակցության դադարեցմանը:

Այսպիսով, ամբողջ վերոգրյալից ելնելով՝ հարկ է արձանագրել, որ ՊԾԸԱ-ԱՊՁԲ-2024/6 ծածկագրով գնման ընթացակարգի առնչությամբ առկա է Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու փաստական և իրավական անհրաժեշտ բոլոր հիմքերը, որոնք նախատեսված են «Գնումների մասին» օրենքի 6-րդ հոդվածի 1-ին մասի 6-րդ կետի «ա» ենթակետով:

Ելնելով վերոգրյալից և հիմք ընդունելով «Գնումների մասին» օրենքի 6-րդ հոդվածի 1-ին մասի 6-րդ կետի «ա» ենթակետը և նույն հոդվածի 2-րդ մասը՝

Ո Ր Ո Շ Ե Ց Ի

1. «ԷՍԷՍԹԻ» ՍՊԸ-ին (ՀՎՀՀ՝ 03576331) ընդգրկել «Գնումների մասին» օրենքի 6-րդ հոդվածի 1-ին մասով սահմանված գնումների գործընթացին մասնակցելու իրավունք չունեցող մասնակիցների ցուցակում:

2. Սույն որոշումը տրամադրել լիազոր մարմնին և դրա մասին ծանուցել «ԷՍԷՍԹԻ» ՍՊԸ-ին:

ԳՈՐԾԱԴԻՐ ՏՆՕՐԵՆ



Ս. ԲԱՂԻՆՅԱՆ